

STATUTI
I SHOQËRISË ME PËRGJEGJËSI TË KUFIZUAR

"Emili Holidays" SH.P.K.

Në Tiranë, sot më datë 25 Qershor 2018 (dymijë e tetëmbedhjete), unë i nënshkruari, Jakup Xhelili, shtetas shqiptar, i datëlindjes 15.01.1942, lindur në Prizeren dhe banues në Borsh-Himare, madhor dhe me zotësi të plotë juridike për të vepruar, mbajtës i letërnjoftimit me **n.r. 0 2 5 1 5 2 2 4 1** me cilësinë e “ortakut themelues”, deklaroj se me vullnet të lirë të plotë e të sinqertë e të pavesuar, mbështetur në Kushtetutën e Republikës së Shqiperisë dhe Kodin Civil në fuqi, në ligjin Nr.9901, datë 14.04.2008, “Për Tregtarët dhe Shoqëritë Tregtare”, (i ndryshuar), ligjin Nr.9723, datë 03.05.2007, “Për Qëndrën Kombëtare të Regjistrimit”, (i ndryshuar), hartoj statutin e shoqërisë **“Emili Holiday” SH.P.K.**

KREU I
EMËRTIMI - SELIA - OBJEKTI - KOHËZGJATJA

Neni 1-Emërtimi

1.1 Shoqëria është krijuar në formën e një shoqërie me përgjegjësi te kufizuar. Emërtimi i shoqërisë është **“Emili Holidays”Sh.p.k** (në vijim e quajtur “Shoqëria”). Shoqëria do të fitoj personalitet juridik pas regjistrimit të saj në Regjistrin Tregtar të mbajtur nga Qendra Kombëtare e Biznesit.

1.2 Shoqëria ushtron aktivitetin e saj në përputhje me ligjin Nr.9901, datë 14.04.2008 “Për Tregtarët dhe Shoqëritë Tregtare” të ndryshuar, legjisacionin shqiptar në fuqi, me këtë Statut.

1.3 Shoqëria **“Emili Holidays”**, është një shoqëri tregtare, e themeluar nga *“ortaku i vetëm themelues”* z.Jakup Xhelili, e cila nuk përgjigjet për detyrimet e shoqërisë tregtare dhe mbulon personalisht humbjet e shoqërisë deri në pjesën e pashlyer të kontributive të nënshkruara. Kontributi i ortakut përbën kapitalin e regjistruar të shoqërisë. Ortaku gjëzon kuotën e tij në shoqëri, në përpjesëtim me kontributin që ka dhënë në kapital.

Neni 2-Selia

2.1 Selia e Shoqërisë ndodhet në adresën: **Ruga e Plazhit, Borsh, pasuria nr.268/3 zk.1253, Bashkia Himare.**

2.2 Shoqëria mund të krijoj degë, zyra, filiale dhe të zhvilloj aktivitet në vënde të tjera, brënda ose jashtë territorit të Republikës së Shqipërisë me vendim të ortakut të Shoqërisë.

Neni 3-Objekti i Shoqërisë

- 3.1 Shoqëria ka për objekt dhe qëllim të saj aktivitetet tregtare në fushen e turizmit si:
- Shërbime hotelerie, qera te objekteve me destinacion kryerjen e shërbimeve te ndryshme, dhenie me qera te ambjenteve per akomodimin e turisteve te huaj dhe vendas, si dhe çdo aktivitet tjeter te ligjshem ne Republikën e Shqiperise.
- 3.2 Me qëllim realizimin e objektit të aktivitetit te saj, Shoqëria mund të kryejë operacione tregtare me pasuri të luajtshme dhe të paluajtshme,



3.3 Në përgjithësi, Shoqëria mund të kryejë çdo veprimtari të nevojshme e të dobishme, të lejuar nga ligji për realizimin e objektit të aktivitetit të saj.

Neni 4-Kohëzgjatja

4.1 Shoqëria do të zhvilloj aktivitetin e saj për një kohëzgjatje të pacaktuar duke filluar nga momenti i regjistrimit të saj në Regjistrin Tregtar të Republikës së Shqipërisë.

4.2 Prishja dhe likuidimi i Shoqërisë do të përcaktohet me vendim të ortakut të vetëm dhe/ose të asamblesë së ortakëve në përputhje me dispozitat e këtij Statuti dhe legjislacionin në fuqi.

KREU II KAPITALI

Neni 5 -Kapitali

5.1 Kapitali themeltar i Shoqërisë është 10'000 Lekë (dhjetemije Lekë). Kapitali i mësipërm është nënshkruar nga "ortaku i vetëm" i shoqërisë dhe përbet nga 1 (një) kuotë me vlerë të përgjithshme 10'000 Lekë (dhjetemije Lekë), që përbën 100 % të kapitalit themeltar të shoqërisë.

5.2 Pjesët e kapitalit themeltar nuk mund të përfaqësohen nga letra me vlerë të tregtueshme. Kontributi i ortakut mund të jetë në para ose në natyrë (pasuri të luajtshme/të paluajtshme apo të drejta).

5.3 Ortaku përgjigjet për humbjet e shoqërisë përkundrejt të tretëve deri në vlerën e kontributit të tij në kapitalin themeltar të shoqërisë.

5.4 Kapitali i Shoqërisë apo çdo kontribut në para për zmadhimin e kapitalit paguhet në llogarinë bankare të Shoqërisë.

5.5 Kuotat janë të transferueshme sipas kushteve të përcaktuara ne Ligjin Tregtar, në këtë Statut.

Neni 6- Zmadhimi dhe zvogëlimi i kapitalit

6.1 Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë.

6.2 Zvogëlimi dhe zmadhimi i kapitalit realizohet me vendim të Ortakut të Vetëm dhe/ose të asamblesë së ortakëve në të njëjtat kushte që kerkohen për ndryshimin e statutit.

KREU III ORGANET DREJTUESE DHE VENDIMMARRËSE

Neni 7-Organi Vendimmarrës

7.1 Organet drejtuese te shoqerise, referuar dispozitave te ligjit nr.9901 date 14.04.2008 "Për Tregtarët dhe Shoqëritë Tregtare" janë:

- Asambleja e ortakeve.
- Administratori i shoqerise.

7.2 Ortaku i Vetëm është organi vendimmarrës i shoqërisë që miraton çdo ndryshim të statutit sipas modaliteteve të përcaktuara në ligj. Çdo ndryshim statuti duhet të depozitohet pranë QKB-së për të pasqyruar ndryshimet në skedën e shoqërisë.

7.3 Ortaku i Vetëm, vendos për çështje si :

- a) përcaktimi i politikave tregtare të shoqërisë;
- b) emërimin dhe shkarkimin e administratorëve;

- c) emërimin e shkarkimin i likuiduesve dhe të ekspertëve kontabël të autorizuar;
- ç) përcaktimin e shpërblimeve;
- d) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
- e) përfaqësimin e shoqërisë në gjykatë dhe në procedimet e tjera ndaj administratorëve;
- f) miratimin e rregullave procedurale të mbledhjeve të asamblesë;

7.4 Të gjitha vendimet e marra nga ortaku i vetëm regjistrohen në një regjistrer të vendimeve, të dhënat e të cilat nuk mund të ndryshohen ose të fshihen. Duhen regjistruar në veçanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) shpërndarjen e fitimeve vjetore dhe mbulimin e humbjeve;
- c) investime;
- ç) vendimet për riorganizimin dhe prishjen e shoqërisë.

7.5 Vendimet e paregjitruara në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmérinë të tretit, që ka fituar të drejta në mirëbesim, përvëç rastit kur shoqëria provon se i treti ka pasur dijeni për pavlefshmérinë, apo në bazë të rrethanave të qarta nuk mund të mos kishte pasur dijeni për të.

Neni 8 - Administrimi

8.1 Administrator i shoqërisë është **Gerond Labi**, i biri i Arjanit, shtetas shqiptar, i datëlindjes 16.09.1999, lindur dhe banues në Tirane, përcaktuar dhe vendosur nga "ortaku i vetëm themelues" i shoqërisë Z.Jakup Xhelili.

Administratori mund të emërohet dhe shkarkohet me vendim të Ortakut të Vetëm të shoqërisë dhe/ose të Asamblesë së ortakëve.

Neni 9 - Dispozita përfundimtare

9.1 Ky Statut u redaktua në gjuhën shqipe ne tre kopje dhe nënshkruhet me vullnetin e tij të lirë e të plotë e të pavesuar nga ortaku themelues.

ORTAKU I VETËM I SHOQËRISË

"Emili Holidays" Sh.p.k

Jakup XHELILI

